

landen und steten, daz wir unserem vettern sinen teil soldin vorhaldin. Davon biten wir uch mid flibe, ab solche rede vor uch qwemen, daz ir daz von uns sagit, alz vor geschriben stehit, wenne wir y gerne segen, daz unser lande bie frede blebin, alz dii an uns komen sin, und woldin ouch unser herschafft bestin gerne werbin, daz die gehogit und nicht genydert wurde, so wir furderst konden. Geben zcu Aldinburg an sante Andreas abinde 5 under unsern secret.

56.

Dietrich von Bernwalde, Busse und Apel Vitzthum verbinden sich mit den Grafen Heinrich (XX.), Günther (XXX.) und Heinrich (XXIV.) von Schwarzburg Herren zu Arnstadt und Sondershausen zur Erhaltung der Machtstellung derselben bei Landgraf Friedrich und seiner Gemahlin und zum 10 Schutz gegen jedermann und versprechen dem Landgrafen und den Grafen die Oeffnung ihrer Schlösser zu allen Fehden. **1407 Nov. 30.**

Hdschr.: Or. Perg. Landesarchiv Sondershausen Reg. 1316. Die 3 SS. an Pergamentstr.

Ann.: Vgl. Jovius Chron. Schwartzburg. bei Schöttgen und Kreysig Diplomataria et Scriptores 1,411f.

Wir Ditterich von Bernwalde, Busse Ficzhum unde Apil Ficzhum alle rittere 15 bekennen — vor uns unde alle unsir erbin, [1] daz wir uns mit den edilen herrin graven Heinriche unde graven Gunthere gebrudirn unde graven Heinriche graven Gunthers sone graven von Swarczburg herren czu Arnstete unde czu Sundershusin voreynet, verbunden unde genczlichin vorstricket habin, also daz wir darane sin sollin unde wollin getruwelichin unde genczlichin, daz dy obgnantin unsir gnedigen herrin bii solchir macht unde 20 gewalt blibin sollin bii deme hochgebornen fursten unde herren hern Frederiche lantgraven in Doringen unde marggraven czu Missen unserm libin gnedigin herren, als sii itezunt habin und sint unde nach yrem willen, unde sollin unde wollin unsirn obgnantin gnedigin herrin und unsir gnedigen frouwen dy lantgrafynnen getruwelichin daran haldin unde wisen, daz sii dy vorgnanten herren von Swarczburg bii solchir macht unde gewalt 25 laßin blibin unde dabii behaldin ane alle argelist unde ane geverde. [2] Were ouch, ab dy egnantin herren ymand beteidingin, veheden, anlangin, krigen odir yre sloß belegin odir bestallin wolde, wer der were odir von wilchen sachin sich daz ummer machin odir komen mochte, so sollin und wollin wir vorgnantin Ditterich von Bernwalde, Busse Ficzhum unde Apil Ficzhum rittere den obgnantin herren behulffin sin mit libe unde gute 30 mit alle unsir crafft unde macht mit alle unsern frunden, dy wir darczu bringen mogin, unde sii des entschoten mit alle deme, daz wir vormogin, unde on getruwelichin biibestendig sin unde yn ouch unsir dyner lihen bii namen vier mit gleven, unde vier schutzezen unde dy czulegin uff yre sloß, wo sii hene wollin, uff yre eigin koste unde ebinthure bynnen vierczen tagin, nachdeme sii uns des vormanet hettin, unde dy bii yn legin laßin als lange, 35 als sii des bedorffene sint, ane alle widirrede unde argelist. [3] Ouch sollin unde wollin wir unsern gnedigin herrin den lantgraven unde unser frouwen dy lantgrafynnen darane wisen und festiglichin unde getruwelichin haldin nach allir unser vormoge, daz sii dy obgnanten unsir herren von Swarczburg schutzezen, schuren, vorteidingin, hanthabin unde